

ПРЕСС-РЕЛИЗ

Маълумки Бирлашган миллатлар ташкилотининг 2009 йил 21 декабрдаги 64/200-сонли резолюциясига асосан “13 октябрь - Халқаро табиий офатлар хавфини камайтириш куни” деб белгиланган бўлиб, мазкур сана дунёнинг барча мамлакатларида кенг нишонланади.

Айтиб ўтиш жоизки, бу кунда дунё майдонида содир бўлган йирик фавқулодда вазиятлар, улар оқибатида ҳалок бўлганлар хотирланиб, содир бўлган фавқулодда вазиятлар оқибатларини бартараф этиш борасида олиб борилган ишлар сарҳисоб қилинади.

Қувонарлиси, мазкур санада доимий кузатишлар натижасида маълум бўлган ёки содир бўлиши мумкин бўлган фавқулодда вазиятларнинг олдини олишга қаратилган ҳамда амалий тадбирларни ўз ичига олган янги лойиҳаларга асос солинади ва уларнинг ижросини таъминлаш борасида муҳим дастурлар ҳаётга татбиқ этилади.

Юртимизда ҳам Фавқулодда вазиятлар вазирлиги томонидан табиий офатлар хавфини камайтириш борасида салмоқли ишлар бажарилиб келинмоқда. Хусусан, жорий йилнинг 13 октябрь куни Фавқулодда вазиятлар вазирлиги томонидан “Халқаро табиий офатлар хавфини камайтириш куни”га бағишлаб Қорақалпоғистон Республикаси, Тошкент шаҳар ва республикамизнинг барча вилоятларида “Фуқаро муҳофазаси тадбирлари” ўтказилди.

Мазкур тадбирларга Халқ таълими, Соғлиқни сақлаш, Ички ишлар вазирликлари, Қизил Ярим Ой Жамияти, “Ўзгидромет” маркази ва бошқа тегишли идора ҳамда ташкилотлар, уларнинг ҳудудий бошқармалари вакиллари жалб этилди.

“Халқаро табиий офатлар хавфини камайтириш куни”га бағишлаб ўтказилган “Фуқаро муҳофазаси тадбирлари” юқори савияда ўтказилиб, тадбирни ўтказишдан кўзланган асосий мақсад, ўқувчиларда экстремал ҳолатларда тушқунликка тушмасдан тўғри қарор қабул қилишга, улар онгида фавқулодда вазиятларда тўғри ҳаракат қилишга оид тушунча, билим ҳамда кўникмаларини янада шакллантиришдан иборат бўлди. Тадбирлар давомида ўқувчиларни “Ҳаёт хавфсизлиги асослари” фанидан олган билимлари янада мустаҳкамланди.

Хусусан, Тошкент шаҳрини М.Улуғбек туманидаги 64-сонли умумтаълим мактабида ўтказилган “Фуқаро муҳофазаси куни” ҳам барчага бирдек манзур бўлди.

Тадбирнинг дастлабки қисмида тантанали йиғилиш ўтказилди. Сўнгра Фуқаро муҳофазаси бўйича очиқ ва кўرғазмали дарсларга навбат берилиб, биринчи синфдан тўққизинчи синф ўқувчиларига зилзила, сел, сув тошқини, кўчки ҳодисалари экологик муаммолар, кучли таъсир этувчи захарли моддалардан захарланиш, ёнғин, транспорт авариялари каби табиий ва техноген

хусусиятли фавқулдда вазиятлар таснифи борасида ўқув машғулоти кизиқарли тарзда ўтказилди.

Сценарийга биноан навбат эвакуация тадбирига берилди. **“Диққат барчага!”** сигналини англатувчи 3 та кўнғирокдан сўнг ўқитувчи ва ўқувчилар, ишчи-ходимлар бинодан эвакуация қилиниб, мактаб ҳовлисидаги йиғин жойига гуруҳлар бўйича сафланишди. Ўқитувчилар ўз синфидаги ўқувчиларни йўқлама қилиб, Фуқаро муҳофазаси штаб бошлиғи – директор ўринбосарига ахборот беришди. Фуқаро муҳофазаси штаб бошлиғи ўз навбатида мактаб директори – Фуқаро муҳофазаси бошлиғига умумий ўрта таълим мактаб ходимлари ва ўқувчилари “Фуқаро муҳофазаси куни” тадбирини ўтказиш учун сафланганликлари тўғрисида ахборот берди.

Тадбирнинг кейинги қисмда Ёнғин хавфсизлиги вакиллари томонидан дастлабки ёнғин ўчириш воситалари ёрдамида ўтни ўчириш ҳаракатлари намойиш этилди. Шунингдек, ёнғин содир бўлганда тўғри ҳаракатни амалга ошириш борасида тушинчалар берилди. Қизил Ярим Ой Жамияти вакиллари томонидан эса фавқулдда вазиятлар даврида жароҳатланганларга биринчи тиббий ёрдам кўрсатиш борасида амалий ҳаракатлар намойиш этилди.

«Ёш қутқарувчилар» клуби аъзоларининг кўргазмали чиқишлари ҳам барчанинг диққат эътиборига сазовор бўлди. Шундан сўнг тадбир иштирокчиларига фавқулдда вазиятнинг олдини олиш ва уларда тўғри ҳаракат қилиш бўйича хужжатли фильм намойиш этилди.

Тадбир якунида викторина савол-жавоблари ўтказилиб, ғолиблар ва бадий дастур иштирокчиларини тақдирлаш тантанаси бўлиб ўтди.

ФВВ Матбуот хизмати